

為一切普度凡世謙謙尊教不得中忘守中
善而死不為惡而生於是不退可得拔度五
道不履三惡諸天所護萬神所敬長齋奉戒
自得度世而為傷曰

一切修學人 誓願成真道 慈悲念戒文
道聲斷煩惱

洞玄靈寶天尊說十戒經

太上洞玄靈寶宣戒首悔眾罪保護經卷中
太上道君曰世俗之人從宿世以來所犯過
惡速至己身重蒙惡癘不解道義不知教法
不曉施行不識逆順犯於天禁地忌四時五
行陰陽柔剛日月星辰道德神明上則不孝
於天地君王父母者老專長下則所惡於臣
子卑賤蝘飛蠕動積罪累過結成千萬殃考
對速無窮盡時亡算奪紀不可勝數所犯過
惡者當以瞋恚怒罰毒想怨恨為過以及廣
殘病陰賊酷暴為過以伐殺魁傷毀敗刑戮
為過以侵詐賤弱輕侮服易為過以任媚憎
愛壘詭詭人為過以陰私妬媚誣誣慢為
過以嗜酒酣飲嘔吐沈溺為過以權勢侵凌
噴囂豪傑為過以貪利設詔盜竊拾遺為過
以嗜得惡施慳吝無濟劫死脫亡為過以威
脅智策刺譏擊切為過以播陵發塚殘屍露
骨為過以誑詐調詭誣調功伐為過以妄言
訟鬪敗亂迷誤為過以謗訕聖賢評論毀譽
為過以縱極情慾多態淫泆為過以身縱恣
細濡口貪滋味為過以言不擇語行不擇道

為過以心不善想目不擇視為過以耳不擇
聲鼻不擇香為過過惡如是者為君則無以
為仁為臣則無以為忠為吏則無以為平為
父則無以為慈為子則無以為孝為母則無
以為愛為兄則無以為悌為弟則無以為順
為友則無以為廉為婦則無以為恭為男則
無以為良為女則無以為貞為師則無以為
教為徒則無以為敬為上則無以為訓為下
則無以為禮為鄉黨則無以為讓為朋友則
無以為信為宗族則無以為和為丈夫則無
以為實為奴婢則無以為勤為修身則無以
為益為學道則無以為仙是故治國者不能
致太平治家者不能全其功是故道在廣念德
其壽治業者不能全其功是故道在廣念德
愛蒼生息及無外潤及無內應殞之人賜之
更生罪結之人聽以首悔首悔之者皆當言
議送款竭情寫意六齋十直庚申甲子八節
本命入室燒香披陳愆犯則罪無不原過無
不除功無不積德無不立道無不感仙無不
成若不能依按齋直之日但當請經供奉建

齋之時乃利皇本命之日至心丹苦音悔所
犯則其功彌重罪無不赦今以教子勤心宗
奉則福田興矣業行立矣天師唯唯伏受命
旨

太上道君曰凡為百姓男子女人帝王國王
建齋行道法師於高座上為轉誦此首悔之
文若不能誦誦者當依靈寶齋法壇內靖中
隨使安置一時一日乃至三日逐物豐儉貧
富量之金龍綠色以鎮十方若用科儀當補
齋主姓名年紀戶口多少令齋主再拜稽首
仰三目搏伏地叩頭法師當於高座為其誦
悔過之文首寫主人存亡罪失則功德諸天
罪滅九陰福德歸流息枯斯降真氣來下存
亡兩散人鬼俱解其功無量仙道成就魔王
敬禮門戶清肅鬼妖不忤功德之大莫復是
勝今以授子善寶之為天師稽首敬受教誡
真人曰誦首悔之文當作經音誦之
第一再拜稽首叩頭仰三目搏法師頌言上
啓
太上無極大道三寶尊神州縣鄉里男女官

某乙行年戶口若干人今因齊次被解上世
宿罪重過乞願至真願降法澤賜以大慈原
宥衆生及今齋主先世九玄七祖下及五服
六親或為人君長吏治行多違政教不平少
公多私苟貪財色發賦不均教人刺譏訪作
盲文伺察非辜吹毛求瑕多冒販賸店肆賣
買過遮四路割賤奪責農桑盛要夜奪時務
囚吉放凶輕原禍惡重刑福業阿諛所親翦
戮良賢逐寵威殘殘虐弱賊放縱狼吏豺佐
虎將熊士晝息夜飲六畜暴死鴛食百姓侵
剋所統賊負積此罪過累億為君不賢為臣
不忠為吏不廉在公不清員在私不直方忤
亂正法曲從其心狂筆巧文迷誤視聽受人
賄貨縱死殺生或誘罪納貨正筆不貸或恐
懼無罪強取寶物或篡殺叛逆誅男略女收
婢攝奴過歐直正鞭撻無罪傷害無愆伏誅
無辜或劫抄虜掠奪人物七寶五緣六畜
牽牲或無辜動衆與軍戰伐驅令生民投之
死地孤魂絕域汗血涌流鬼哀哀叢林之
側窮魂最最九泉之下生者稱苦怨聲聞天

死者抱恨訟訴九陰冤對之交考過相連或
攻伐國家殘酷無端或弋獵衆生殞殺含氣
飛鷹走犬食啖其肉殞胎剝卵羅藏網匪盡
射繳刺惡心凶意不仁不義或醜酒漏腐毒
餌內藥勸人食之五心內爛兒没人命或因
恃貴高自怙富室自方雲日欺薄倫類奇意
奢外愚謂貴富長久歷世毀詬至真疑笑道
士調弄真人自伐本根京罪此過不可復勝
諸如此等死受罪對殃流後世致使凡夫仕
宦不遷為居衰貧口數耗滅疾病流連或亂
息不保男女天年產業墮微不係祖先生緣
不豐不免飢寒凡百無可言宣失次皆由所
犯過惡如是今為存亡悔之伏願
天尊唯垂原除
第二又再拜稽首叩頭仰三目搏法師頌言
上啓
太上無極大道三寶尊神州縣鄉里男女官
來下及見身自識事以來實多惡少善多逆
少順違天負地觸逆星辰為臣不能忠於君
上為子不能孝於父母為婦不能恭於舅姑

為弟妹不能順於兄姊既以為人不能有慈愛之心仁篤之行狼戾偏黨真喜無常六齋吉日忤犯玄司當其所愛欲令其生值其所憎故令其死搥捍無為罵詈衝口苟欲自可貪味饗美大小錯互家無法度背德向色遊好傲蕩凌孤欺寡取非其有心意者迷言行驕慢凡所施為動有罪俱不畏鬼神不思科戒不慮禍惡不量進退不避禁忌不從仁義慳貪嗜得無以為施青望人報善作竊盜人中欺劫公行曲枉圖人利益常戲笑人取人長錢與人短數輕秤小升狹幅短度強持與人重秤大斗專以取人假託形勢言則因官自恃凶黠諂誑迷愚心實不清千真喚神掘陵發塚攻劫死魂詐給借貸取非其財衣非其衣食非其食飲非其飲盜人六畜五果雜菜五穀桑竹枝茂樹木貪鄙之性罪彰神明動靜所為違科犯律莫大之罪冠書右司致令凡家營生不利屢有變怪貧賤困苦孤微凍陋數有亡遺大小不和更相怨恚強健者少病苦者多皆由所犯過惡如是今故為存

亡悔之伏願

天尊唯垂原除

第三又再拜稽首叩頭仰三自搏法師頌言

上啓

太上無極大道三寶尊神願降大慈削除臣

等先世殃考逮及今身罪嬰自有識以來實夫妻不能相承善事及變惡態既無清潔之志心嫉意妬隱切爭訟更相憎忌呵罵罵女打罵奴婢啾啾叱咤絕交鄰里鄉黨不信骨肉不睦六親不和九族不篤繫怒六畜腹疑妻妾悅和奸朋誦同切友安偷容劫知情羣凶專作呪詛陰為殘害容媚疊禱外善內惡嫉賢妬能壅塞高才毀譽英賢折辱良善汗染清潔瑕穢端白咀人之豪憎人之富心常但願意懷尤惡舌如錐刀口含毒螫不仁不義無禮無忠自以為是謂他為非自矜自誇自是自大積年積歲不能自知詐欺慢誕誣調返說無誠無信指南作北庚東為西調戲父母殆折師君不避規疏不忌所專歧嚙兩舌鬪亂奸惡阿言說語常有爭欺治生販賣

專為詭巧技計錄兩持長作短以醜易好求

欲無厭公行不軌私侵忠良輕易四大汙穢

三光放蕩早賤馳逐豪彊其心威威其意促

促千愁積於四司為過書於五帝積歲累月

不可稱數致使凡家常致輻軻所為不諧學

法不聽仙道不成流俗所笑口舌妄生禍變

累仍眾庶所憎長更所欺凡百無吉皆由所

犯過惡如是今為存亡悔之伏願

天尊唯垂原除

第四又再拜稽首叩頭仰三自搏法師頌曰

上啓

太上無極大道三寶尊神願捨慈恩原赦齋主先世及今身自有知以來實無功受祿無德受賞不能作善笑人作善不能受化謗訕聖教竊盜經書輕穢聖賢背毀反逆叛道入邪敗壞成功快縱遂非見人謬失心口刺譏見賢人而懷腹覲高才而生嫉愛濫夫憎美士好他之惡恥彼之善不信作惡得惡作罪得罪不知可改故作不休知不可犯故犯不止借不念歸償不念償輕虧窮之說謔惡

子腥血而死或生男不育生女不長夭折昏
 昏不親日月而死或值雷電霹靂而頭脊書
 背誅擊而亡或水没火燒木打石擲土壓冷
 漂而死或夜軍行提刀負弩氣練力倦勞苦
 而死諸如此等雖為一死而痛各異皆由宿
 命因緣所致隨運而死既壽易衰不以道理
 先身無福不仁之罪身謝三官一旦沈墜幽
 途魂魄各受宿對因謫地獄鄴都三官六府
 之中懸頭鎖械足立三刀綠刀山循劍樹食
 火啗炭鑊湯所煮炎火所燒吞水飲毒拔舌
 灌口朝答暮押身體毀爛形骸焦燥魂爽酸
 楚痛毒激切已經三掠難得解脫哀哀長夜
 之中榮榮餓鬼之羣愁苦三途之中抱酷五
 苦之庭綿歷數劫罪對不赦希活則生途四
 塞願生則無緣可攀乞死不得長淪罪原水
 乘同泰餘殃不盡引速後生惡惡相續咎各
 相纏致令愚俗迷不相仍仕宦不能致祿營
 生不能飽暖男女大小憂苦無泰今為眾生
 上世今世先亡後死首悔斯苦不仁之罪不
 善之愆元逆之過遠和負順逆天逆地觸忤

靈神輕犯科法所行不軌罪高山嶽過積海
 淵致使先亡後死不以道理千病萬痛十苦
 百疾毒傷而亡皆先身不仁之對特乞大慈
 賜以矜原隨亡者死時所由絕命之所解脫
 窮魂拔度苦魄得遠比鄴三官速役去免九
 幽昇上天堂淨鬼之林無為之鄉斷絕復連
 利祐子孫宅舍安吉胤嗣完全凶神惡魔不
 得妄忤天覆地載神明護助學道得道求仙
 得仙富貴長保安樂自然於是主人再拜叩
 頭稱受

道恩

太上洞玄靈寶宣戒首悔眾罪保護經卷中

太上洞玄靈寶宣戒首悔眾罪保護經卷下
 太上道君告天師道陵曰此首悔之法昇玄
 品經為道德之難落是至真之垣橋生死之
 津乘兆庶之橋梁立身之福田功業之淵場
 養生之生途修至真之仙方解罪犯之大法
 修行之首宗極生之上善拔死之第一消災
 之真科散禍之祕術安國之弘教寧家之肅
 約為學之智慧希善之富博治病之良方救
 疾之善藥神明之樞機萬病之扁鵲無上至
 真大道洪範弘敷世救濟度無涯頌之解過
 則千罪水消萬過雪散誦之救死則苦魂冤
 魄永去茶炭解脫五苦超拔八難神登道舍
 淨鬼之林上遊玄都之墟下晏崐閩之場存
 亡俱濟福利日昌誦之求哀則殃流絕速宿
 咎消滅生者獲福常慶安吉死籍刪除於右
 官生錄注簡於左契於是修經行道長齋苦
 行安神定志丹誠念道歸心無上正真之度
 宗昇玄內教真經無上統天畢契之錄佩身
 為寶則坐待雲駕超騰太空中謁虛皇道遂
 玉京子富寶秘依法施行建功滅過如響應

100-1A M 28-2